

در سعادتده باب عالی جوارنده
دائرة مخصوصه

محل اداره :

مستطابق

اخطار :

مسئله موانع آثار جدید مع المنهج
قبول اولیور
درج ایدیلینی آثار اعاده اولیور

دیده، فلسفه، علوم، حقوق، ادبیات و سیاسیات و باطام کرک سیاسی و کرک اجتماعی و مدنی احوال و شئون اسلامیه در بحث ایدر و هفته ده بر نشر اولیور.

آبونه بدلی

صاحب و مؤسسلری :
ابوالعلا زین العابدین - ح . اشرف ادیب

در سعادتده نسخه سی ۵۰ پاره در

سنه لکی	التی آیلنی	
۸۰	۴۰	ممالک عثمانیه ایچون
۶۵	۳۵	روسیه
۱۷	۹	سائر ممالک اجنبیه
		غروش
		دوبله
		فرانق

تاریخ تأسیسی
۱۰ تموز ۳۲۴

قیرلهدن مقوا بورو ایله کوندریلیرسه سنوی
۲۰ غروش فضله آلنیر

عدد : ۶۷

۳ ذی الحجه ۳۲۷ پنجشنبه ۳ کانون اول ۳۲۵

اوجنچی جلد

علم فقه تاریخندن بر پارچه :

اجتهاده دائر

دور تابعینده اجتهاد :

مابعد

اصحاب کزین حضراتی آرتق عزم کلشن سرای جنان اولمشلردی. بیوک بر موفقیت ، ابدی بر سعادت کندیلیرینه رفاقت ایتمشیدی. حیات جسمانیلری سونمش ؛ فقط حیات روحانی ، حیات علمیلری بتون معناسیله بارلامش ؛ دها زیاده کسب نورانیت ایتمشیدی. خلفلری، انلرک حیاتلرینی استعاره ایتمش کی اولدیغندن بین الامت اصحابک مفقودیتی حس اولنیوردی. علم، فقه... بتون قوتیله ، بتون زندگی فیوضیله تابعین کرامه انتقال ایتمشیدی. علم، اوعلم، فقه اوفقه ایدی؛ شوقدرکه مقام اصحاب ، تابعین طرفندن اشغال اولنمشیدی.

تابعین کرام چالشورلردی...

بین الامت تحدت ایدن مسائل مشکله نك حلی، وقوعه کلن بتون استفتالرک جوابی هپ علمای تابعینک ذمت علمیه لرینه تحمیل اولنمشیدی. دور اصحابده علم فقهک تصنیف و تدویننه موفقیت حاصل اولیوب ، آرتق تأخیری جائز اولیان بو وظیفه مهمه دخی آنلرک عهد اجتهاد لرینه علاوه ایدیلشیدی.

تابعین حضراتی ، اصحاب کزینک بتون محفوظاتلرینی ، بتون فتاوی و مجتهداتلرینی ضبط ایشلردی. بر طرفندن بونلری تعلیم و تدریس ایله اخلافه نقل ایلر ، دیگر طرفندن مسائل غیر مرویه حقننده اجتهاد بیورده رق علم فقهک توسیعه یاردم ایدیورلردی.

بتون بومساعی ، هر درلو زحمتلرینه رغماً تابعین ایچون پک زیاده روحفزا ، صوک درجه لذت آور بو وظیفه کی تلقی اولنمشیدی.

آنکچون تعلیم و تدریسندن ، تعمیق تبعاتندن یورولمایور ؛ حتی بر چوق مسائل فقهیه اعتباریه دخی بالاجتهاد حل ایدیلرک دائرة فقه اسلام توسع ایتمشیدی. اشته بوضورتله مدون اوله رق مکمل بر قانون اسلامی میدان ککش ایدی.



حجاز ، عراق قطعه لری بر رانجمن علمی حالتی آلمشیدی. علمای تابعین ، اصحاب دورنده اولدینی کی ، آرتق امور سیاسیه امور اداریه ، مجاهده یه اشتراک ایتزلردی. منحصر آ علمله ، فقهله ، تبعاتله مشغول اولور ، بتون وقتلرینی اجتهاد ایچون بذل بیوررلردی. ذاتاً اوکورتیلی ، تشویشلی سیاست و امور اداره مرکزی آرتق بوقطعه لردن اوزا قلاشمش ؛ بتون طنطنه لر ، بتون دبدبه لر ، بوکا مقابلده بتون سیاست و اداره قوغالری دمشق الشامه نقل اولنمشیدی. آنکچون شواکی قطعه ده اولان علما کمال حضور و سکونتله تبعات علمیه ده دوام ایدیورلردی. فی الواقع بواکی قطعه ده علمک ، اجتهادک حصوله کتور دیکی حریتله مزوج ضیای سماوی یه قارشو مرکزندن قویان سحاب ظلمت آلودک سیاه کولکه لری اهر صره القای تشویش ایدیور ؛ فقط بو حال اوزون مدت دوام ایده میوردی : اونلیمت منحوسه ، نور علمه مغلوب اوله رق ظهور ایتدیکی یره چورکمه مجبور اولیوردی.

بتون بو حضور و سکونتک ، سعی و غیرتک ایچننده آز چوق بر ایکتی ، بر خفیف صیرلقد یوق دکلدی. تابعین کرام آراسنده علم فقهجه بر اختلاف حصوله کیشیدی. فقط بو حال اسلامینده یکی بر وقعه ارائه ایتیه یوردی. دور اصحابده قورولمش مقدمه لرک نتیجه طبعیه سی کی ایدی. چونکه علمای تابعین ، کندی مملکتلرینده

بولنان فقهای اصحابك شاگردانی کبی ایدیلر. بناءً علیه تابعین هانکی مرکزین اخذ علوم ایتش ایدی ایسه، کندی اجتهاداتی دخی او یول اوزرینه بنا ایله که سعی و غیرت ایلردی. آرزوق تداخل اولمغه برابر اکثریت اوزره فقهای حجازیه، کندی مملکتلرنده اقامت ایدن اصحابك، علمای عراقیه دخی کندی قطعه لرنده بولنان اصحابك ترجمانی ایدیلر.

اشته بو صورتله شو ایکی قطعه، عادتاً ایکی مکتب فقهینك مرکزی حکمی آلدیلر. آرا لرنده کوزه چاره حق قدر بر آچیق مشهود اولوردی. هر ایکی طرفده، مدقق، مجتهد عالمر یقشدی. بولنر بتون موجودیتلریله چالشمقده دوام ایدیورلردی.

تابعین کرام دورینك صوکلرینه طوغری ایدیکه هر ایکی مکتب فقهینك اساسلری احضار ایدلش آنحق بر شخصیت اعطا ایدرهك علم صورتنده اورنالمه وضع ایتك لازم کلیوردی. اشته بو وجهله قطعه عراقیه ده تگون ایدن مکتب فقهینك ریاستنه امام ابو حنیفه، خطه حجازیه ده شکل ایدن مکتب فقهینك ریاستنه امام مالک حضرتلری کچمشلردی.

آرتق ایکی مکتب فقهی شخصیتلریله يك دیگرندن امتیاز ایتش بولنیورلردی.



قطعه عراقیه مکتب فقهی :

وقتیله او قوجه کلدانیلرک، صوکره کی خسرو لرك، اسکندر رومیلرک، اشکانیان، ساسانیانلرک علوم و معارفلیله مشبوع اولان او قطعه اعصار دیده، شمیدی ده معظم ملت اسلامیة نك علوم و فنونه اجتهادینه مقر بولنیور. عراق سلسله تاریخیه نك اوزون بر اوجی مجهولیت پرده سی آلتنده مختفی سالخوردده بر مدنیت ایله هنوز قشر ایچنده بولنان معارفدن مرکب بر کولیکه آراسنده کیزلیر، دیگر اوجی یکی بر مدنیتله جدی بر معارفك نشر ایتدیکی انوار حقیقت ایچنده نمایان اولور.

نور اسلامیت، قطعه عراقیه ده اشمه نثار اولونجه، قرون خالیه دن باشلایه رق امتداد ایدن خفی، فقط لیل و نهارك توالیسیله چورومش اولان عروق قدیمه چورلمک باشلامشدی. بونکله برابر علمه، معرفه اولان استعداد قدیملری دخی اویانیور، یواش یواش اهلیت علمیله لری میدان حقیقوردی.

اشته شو عروق خفیة نك اساله ایتمکده بولندیقی قطرات زهرناک ایله استعداد قدیمك تکرار انکشاف ایدرهك نشوونمایه باشلاماسی سایه سنده یکدیگرینه مناقض فقط مرور زمان ایله بارششمش اولان ایکی عظیم اثر باش کوسترمشیدی :

۱ — اساس اعتبارلیله ذره قدری اسلامیتله مناسبتی اولمادیقی حالده دین، شریعت عنوان جلیللری تحتنده صاقلانهرق چوروک ایپار ایله نصوص مؤلهیه ربط ایدیلن مذاهب متعدده اعتقادیه دن هان بر چوغی عراقیلره اتما ایدیور. شجره اسلامیتی بر دود قاضم

کبی کمین نفاق و شقاقك طوغرولماسنده اهالی عراقیه نك يك بیوک یاردملری بولمشدر.

مجاهده علیه ده عراقیلرک، قومشولری اولان ایرانیلرک قلبلری، بلده لری فتح اولنمشکن ظلمته، مجهولیت، جهالته طوغرو اوزانوب کیدن ماضیلری ایله نوره، سعاده تماس ایدن حاللری آراسنده کی کیزلی رابطه لر تماماً قطع ایدیلرهك حقیقه تطهیر اولمه ماشیدی.

حضرت عثمان زماننده ایقاپ اولونان فتنه، بونك سببیله بین الامت حصوله کلن افتراق فتوحات حقیقیه نك حصوله کلسنه مانع اولیوردی. دشمن بتون قوتیله ماضیسینه یاشمش؛ فقط بوکا رغماً قارشوسنده اولان قوت و تشدت، متفرق ایدی... اشته شومو فقیه سنزلک اسلامیتك، حقیقی اسلامیتك یولی اوزرنده بر سد آهنین چکدی.

۲ — عراقیلرک استعداد قدیم علملری، مقدس اسلامیتك اک اول ابن مسعود، صوکره ابو موسی الاشعری، علی ابن ابی طالب... حضراتی واسطه سیله افاضه ایتمکده بولندیقی انوار حقیقته آشیانمش پارلامغه مهیا بولمشیدی. بو استعداد يك آرزمان ظرفنده بتون صفحات ترقی یی مرور ایدرهك منتهای اعتلایه ارتقا ایتمشیدی. علم فقه شو استعدادك بتون الواح متحوله، بتون صفحات تکاملیه سنی ارائه ایچون بر معکس اولمشیدی.

فقط نور اسلامیت ایله احیا اولونان شو استعداد آرتق باشقه قالبه دوکلش؛ بوسبتون باشقه بر نام آلمش؛ تعبیر اسلامی ایله «اجتهاد» عنوانی آلتنه کیرمشیدی. عراق اراضیسی هر درلو محصولاتك انباتی خصوصنده برنجیلکی احراز ایتدیکی کبی اهالیسی دخی ملکه اجتهادیه نك بتون مستعد اولدیقی تکاملاتك تجلیسنه مظهرتی اعتبارلیله بین الامت بحق برنجیلکی قازانمشلردر.

[صوکی وار] قزانی حلیم ثابت

انحطاط اجتماعیه

مابعد

آمریقانک بیلدهم هانکی کویننده ایشجیلکله حیاتی قزانمغه مجبور اولان برکنج آدم قوللرندن زیاده دماغنده حس ایتدیکی قوته کووه. نهرک تحصیل قویولور، صنف رهبانه انتساب ایدر واکال علوم ایله دو قوتور لقبه نائل اولور. قالقار سوریه یه کلیر، بیروتی آمالنه موافق بولور، اوفاجق بریر تدارک ایدرهك تدریساته باشلار، دیل بیلمز، عادت بیلمز نهایت بیک زحمتله اون، اون بش شا کرد ایدینه بیلیر؛ چالیشیر، چالیشیر، متصل چالیشیر، ملاحظاتی مطالعاتی امریقایه، ملتته، مذهبداشلیرینه یازار وعد معاونت آلیر، ینه متصل چالیشیر، بیروتك اک هوادار اک حاکم بر نقطه سنده - که اوزمانلر بورالره کیمسه لر رغبت ایتزمش - بر ترلاجق اشترا ایدر و یواش یواش بیولتور.

بتون او محله یی ید مشروع تصرفنه کچیریر. ینه چالیشیر، چالیشیر